

Debinan Debwewinan:

# Jiitawaaganiwi ji-onji-aakozisingwaa binoojiinig owi COVID-19

COVID-19 ashowizo-mashkikiin naadmaagemigad gewe binoojiinig miigaadamowaad aakoziwi-manijoozhens maagwemigag COVID-19, miinwaa miigwemigad mashkowi gnowenjigewin owi gichi niizaanag gnimaa age zhiwebkiba.

**Mina Bimaadiziwin Gaanada agii minwaabmdaanaa-aan COVID-19 ashowizo-mashkikiin gewe binoojiinig nigodwaaswi giizis apiinish midaaswi shi bezhig epiitizijig. Gichi piitendaagwod gewe binoojiinig awii shkiwii awong ado COVID-19 ashowizo-mashkikiin. Amii maandaa e'damomigag debinigaademigag kina ashowizo-mashkikiin bidakogewin e'giikimigaademigag awii debinamiwaad.**



Jiitawaaganiwi ji-onji-aakozising debinamiwaad onji COVID-19 minwaabadad ado mina yaawin miinwaa mina bimaadiziwin. Aanowi gwa binoojiinig gaawii gagwech gichi aakozisiwog onji COVID-19, giishpin debinamiwaad miniiwesiwin, yaa-aabi gwa adaa:

- › dowendaagoziwog aakozii gamgong awii yaawaad onji niizaanendaagokin owi COVID-19, dibishko gonaa zinagiziwaad awii nesewaad;
- › mozhitonaa-aan woshme gnesh inamjiwinan aanowi gwa nendaagoziwaad agii aabiziishinowaad owi aakoziwin (shkwaa COVID-19 inamjiwin, ageyii ezhi gikenjigaadeg "gnesh COVID")
- › gichi wewiikaa debinigaadeg dash wiigwa neniizaanag zinagaapinewin ezhinikaademigag niibna gidizhinaagoziwinan etemigag baagise aapinewin gewe binoojiinig (MIS-C)

Binoojiinig eyaamijig aanin giizhaa etemigag inaapinewinan gnimaa age woshme adaa niizaanawog awii gichi aakoziwaad onji COVID-19. Giizhaa etemigag inaapinewinan adaa digosinon gichi-wiinino, giishkanaamoshkaa, gii-wanigi jibwaa-nitaawigid, gaa-onji-wawaakawiid awiwa wiyawing aakoziwin miinwaa gakina gegoon odaazhoo'igon awiwa naapinewin, dash aanin binoojiinig eni gichi aakozijig gnimaa gaawii gego adaa yaanziinaa-aan neniizaanag

zhayaawin.

Apii digonigaademigag newen aanin bebezahig bemaadizijig mina bimaadiziwin naaknigewinan dibishko gonaa bekaa yaayin endaaayin aakoziwin miinwaa biiskigaadeg gabiingwegan giishpin miigsemigag epiitizing (binoojiinig mashi niish biboon piitiziwaad gaawii adaa biiskaziinaa-aan gabiingwegan), jiitawaaganiwi ji-onji-aakozising miigwemigad aanke aagowitosing gnowenjigewin owi aakoziwi-manijoozhens. Jiitawaaganiwi ji-onji-aakozising naadmaadaan owi gaa-naadamaagoying miigaadamang aakoziwinan woshme wewiib awii nakwetang owi aakoziwi-manijoozhens miinwaa gnowenimigewin owi awii gichi aakoziwin owi COVID-19.

Binoojiinig zhaazhigwa agaa yaamiwaad COVID-19 yaa-aabi adaa debinaanaa-aa jiitawaaganiwi ji-onji-aakozising. Jiitawaaganiwi ji-onji-aakozising shkwaa miniiwesiwinan naadmaagemigad woshme owi gaa-naadamaagoying miigaadamang aakoziwinan nakwetamowin miinwaa gnimaa adaa miigwemigad woshme mashkowi miinwaa gnesh nishing gnowenjigewin owi COVID-19, e'digosin shkiwiin aanjinaagwog aakoziwin.

## Newen aabdeg age gikendamamba



**Gekendaasijig agii naagidonaa-aan aangwaamziwin naagijigewinan apii zhitowaad miinwaa aanji ndagikendamowaad newen ashowizo-mashkikiin.** Ashowizo-mashkikiin wewiib agii temigadon zaam owi niibna midaaswi biboon owi gikendaasowin miinwaa waasamo asabi biywaawig ani maajijig owi ashowizo mashkikiin zhichigaadegmigag owi ntaam nakiwin, shkiwii bezhigong nanaadawi gikenjigewin miinwaa inaaknigaadeg aasgaabiwichigewin miinwaa zhoonyaa, miinwaa owi shkintam etemigag minik owi maziwekamig maamowi nakiindiwin.

**E'dibasaagin maanaaj inamjiwinan adaa zhiwebidon gdo binoojiinim wiyaw nakwetang owi ashowizo-mashkiki.** Maanaaji dodaagewinan owi ashowizo-mashkikiin gagwech agwa ani nigoshkaanon gmaaminig dibagiisiwaan maage giizhigadon. Ninda adaa digosinon miskozheng, gaagiidising, baagishing zhiwe aganji bidakogewin, miinwaa gagwech inamjiwinan dibishko gonaa biingeji zhayaawin, bangi gazhizang, ekoziwin, dekwendibeng, akan ankesing gaagiidizing miinwaa mashkowiziwin gaagiidizing. Gichi omaanaaskaage inamjiwinan gichi wewiikaa tenon miinwaa adaa naandowechigaadenon. Giishpin debinigaadeg, gagwech gwa moogisenon wiiba shkwaa debinigaadeg owi ashowizo-mashkiki.

**Ashowizo-mashkikiin naagozowaabmjigaadenon owi onji waankiiwendaagwog miinwaa maanaaji inamjiwinan.** Miinwaa age aanke owi mashkowi COVID-19 ashowizo-mashkiki waankiiwendaagwog naagizowaabmjigaadeg zhichigewin gewe netaawigijig, Gaanada age adaa-aan waankiiwendaagwog gikowaabmjigewin zhichigewin newen binoojiinig jiitawaaganiwi ji-onji-aakozising Owii Jiitawaaganiwin Naagozowaabmjigaadeg Zhichigewin ACTive (IMPACT) maamowi nakiing aawan binoojiinig, aakozii-gamigong abi onjibaamigag maamowi nakiing bemikigaadeg owi Canadian Paediatric Society. IMPACT zhaazhigwa naagazowaabmdaan binoojiinig jiitawaaganiwi ji-onji-aakozising woshme niishtana biboon.

**Giishpin yaaman gagwedwewinan newen COVID-19 ashowizo-mashkikiin, ginosh owa mina bimaadiziwin naagadowenjigewin maagwed.**

Debinan debwewinan. Woshme gikendan zhiwe [Canada.ca/covid-vaccine](https://Canada.ca/covid-vaccine) miinwaa gnowaabmdan gdo kiinsing maage waasa wekamig waasamo asabi mazina-igan owi maagsemigag gikendamowin zhiwe endaawin.

